

**EUSKARA.** European zabaldu den aro berrian hizkuntzaren aldeko neurriak eskatu ditu Xabier Mendigurenek

# Kultura eta kirol munduko lagunek bat egin dute Kontseiluaren ekimenarekin

Azken pezetak eta liberak zein lehen euroak euskararen alde biltzeko kanpaina aurrera doa

Iker Aranburu | DONOSTIA

Azken pezetak eta liberak zein lehen euroak euskararen alde emateko eskatu zuen atzo Donostian Euskararen Gizarte Erakundearen Kontseiluak. Kanpainari sostengua eman diote kirol eta kultura munduko hainbat pertsona ezagunek.

Abenduaren erdialdean jarri zituzten Bai Euskarari logotipo-ko itsulapikoak Euskal Herriko hiri eta herri gehientsuenetan. Guztira 10.000 itsulapiko dau- de, tabernetan, dendetan eta fi- nantza erakundeetan batik bat. Xabier Mendiguren Kontseilu- ko idazkari nagusiak iragarri zuenez, itsulapiko batzuk jada beteta daude, eta, hortaz, «itxa- ropentsu» daude kanpainaren emaitza ekonomikoari dago- kionez. Otsailean amaituko da.

Kontseiluaren kanpainari bultzada emateko Donostiako hotel batean agertu ziren Klaudio Landa telebista aurkezlea, Josune Bereziartu eskalatzaila eta Berri Txarrak rock taldeko Mikel Lopez. Azken orduan, ez zuten agertzerik izan Mikel Aranburu Real Sociadadeko jo- kalariak eta Didier Mundutegi itsasgizon lapurtarrak.

## Balio ekonomikoaz haratago

Mendigurenek nabarmendu zuenez, kanpainak ez du soilik helburu ekonomikoa, Kontsei- luak euskararen aldeko neu- rriak hartzeko deia egin nahi baitu haren bidez. «Diru aldake- ta gertatu den honetan, Euro- pan aro berri baten hasieran gaude. Estatu-nazioek beren txanponak erabiltzen zituzten garaia bukatu da, eta hemendik aurrera, diru bakarra erabiliko



JON URBE / ARGAZKI PRESS  
Xabier Mendiguren, Josune Bereziartu, Klaudio Landa eta Mikel Lopez, atzo, Donostian.

dugu. Une egokia da zerbait go- gorazteko: denon artean ari gara Europa egiten, eta hizkun- tza gutxituok ere beren lekua izan behar dute».

Euskarak gaur egun duen egoera «onartezina» konpon- tzeke eskatu zuen Kontseiluko arduradunak. «Bost erregimen juridiko ditu euskarak, 20.000 kilometro koadroko lurralde txiki batean», gogoratu zuen, eta azken kanpaina «European gero eta gehiago entzuten diren aniztasunaren aldeko ahotsei» gehitu zaiela esan. «Euskara sendotzeko prozesu luzean, kanpainak egin beharrean gaude, baina gauza ona badu- gu: euskal gizartearen gehien-

## KLAUDIO LANDA

Telebista aurkezlea

«Nahiko balio dutenez, erabil ditzagun mikrozentimo nahasgarri horiek euskararen alde»

goak hori nahi du, eta pozgarria zaigu», amaitu zuen Mendigu- renak.

*Azken pezetak eta liberak zein lehen euroak Euskararentzat kanpainarekin lortutako dirua, besteak bestek, Bai Euskarari plana herrietan indarrean jar- tzeke, Bai Euskarari ziurtagiria*

banatzeko eta Hizkuntza Esku- bideen Behatokia finantzatze- ko erabiliko ditu Kontseiluak.

Klaudio Landak azken peze- tak eta euroak «guztioi egune- roko bizitzan eragiten digun kausa baten alde» erabili ditue- la esan zuen. Aholkua egin zien nostalgikoei pezeta gutxi bat- zuek gordetzeko, eta besteak itsulapikoetara botatzeko. Bera zentimoekin nahastu egiten dela-eta, «nahiko balore dute- nez, mikrozentimo nahasgarri horiek» botatzeko eskatu zuen.

Josune Bereziartuk «gizarte osoaren beharrezko parte-har- tzea» eskatu zuen «euskarak gure gizartearen dagokion pape- ra eskuratzeko».

## Bere egitasmoen berri eman dio Behatokiak Agundez EAEko arartekoari

Erredakzioa | GASTEIZ

Hizkuntza Eskubideen Behatokiak datozen hila- beteotarako dituen egi- tasmoen berri eman zion atzo Paula Kasares era- kunde horretako zuzen- dariak Mertxe Agundez Euskal Autonomia Erki- degoko (EAE) ararte- koari.

Lehen aldia zen Beha- tokiko arduradun batek Arabako, Bizkaiko eta Gi- puzkoako Arartekoarekin elkarrizketa izaten zuela, eta hortaz, joan den urte- an Euskararen Gizarte Erakundearen Kontseiluak euskaldunen eskubideak defendatzeko sortutako erakundearen nondik no- rakoak azaldu zizkion Ka- saresek Agundez.

Behatokiak hedabidee- tara igorritako agirian zehaztu zuenez, Agunde- zek begi onez ikusi zuen erakundearen lana, eta hizkuntza eskubideen egoerari buruzko kezka azaldu zuen.

## Txostena Arartekoari ere banatuko dio Behatokiak

Aurrera begira, bi elkartee- n artean izan daitezkeen harremanei buruz aritu ziren Kasares eta Agun- dez. Ildo horretatik, Kasa- resek jakinarazi zion Behatokiak hizkuntza eskubideen egoeraren inguruan egin behar duen txostena Arartekoari ere aurkeztuko diola.

Halaber, Behatokiko zuzendariak Euskararen Telefonoan jaso dituzten ke- xuen berri eman zion EAEko Arartekoari. Tele- fono hori sortu berri du Behatokiak, euskaldunek administrazioan zein beste alorretan jasaten dituzten tratu desagokiak edo portaera okerrak salatzeke.

Kasaresek Agundez adierazi zionez, bi izan dira telefono horretan jaso dituzten kexu nagusiak. Batetik, herritarrek ziurtatu dute Estatu Administrazioan euska- ren eskubideak «sistema- tikoki urratzen» dituztela, eta, bestetik, Justizia Administrazioan euska- raz egiteko zailtasun eta oztopo ugari daudela.

## Kontseiluaren plan estrategikoa Gasteizen aplikatzeko modukoa den aztertuko du larunbatean Euskaltzaleon Elkarguneak

Erredakzioa | GASTEIZ

Bai Euskarari plan estrategikoa Gasteizen ere aplikatzeko mo- dukoa den ala ez eztabaidatu- ko du larunbat honetan Euskal- tzaleon Elkarguneak.

Gasteizen euskararen alde diharduten pertsona eta talde guztiak goizeko 10:00etatik au- rrera Aldabe Gizarte Etxean egingo den batzarrera gonbi- datu ditu Euskaltzaleon Elkar-

guneak. Lehenik eta behin, bil- dutakoek «euskararen berres- kurapen eta normalizazio pro- zesuak Gasteizen egun bizi duen egoeraren» diagnostikoa egingo dute. Elkarguneak azpi- marratu duen moduan, azken hamarkadetan «aurrerapauso garrantzitsuak» egin ditu eus- karak Arabako hiriburuan. Euskara norbanako gutxi bat- zuek soilik zekiten hizkuntza izatetik gasteiztarren %12ren

hizkuntza izatera pasa da, eta artean gutxiengoan izan arren, euskaldunen kopurua etenga- be handituz doa.

### 74 herritan indarrean

Diagnostiko horretatik abiatu- ta, Gasteizko euskaltzaleek ez- tabaidatuko dute zein ondorio izan ditzakeen Kontseiluaren Plan Estrategikoak «normali- zazio prozesu horretan jauzi kualitatiboa emateko».

2000. urtean ekin zion Kon- tseiluak Bai Euskarari proze- sua herrietan aplikatzeari. Guztira 74 herri ari dira Kon- tseiluaren koordinazioarekin euskara normaltzeko neurriak hartzen. Leku bakoitzean eus- karak bizi duen errealtatea kontuan hartzen du Kontsei- luak. Euskaltzaleon Elkargu- neak uste du plan horrek ondo- rio onak izan ditzakeela Gas- teizen ere.